



CANTON SARAJEVO
**Ministry of Labour, Social Policy, Displaced
Persons and Refugees**

Na osnovu čl. 1. i 4. Pravilnika o obilježavanju "Dječije nedjelje" u Kantonu Sarajevo ("Službene novine Kantona Sarajevo", broj 1/19) i člana 3. Odluke o obilježavanju "Dječije nedjelje" u Kantonu Sarajevo za 2019. godinu broj: 13-02/1-05-29264/19 od 01.08.2019. godine, ministar za rad, socijalnu politiku, raseljena lica i izbjeglice Kantona Sarajevo, raspisuje

JAVNI POZIV

za prikupljanje prijedloga manifestacija i aktivnosti koji će se finansirati/sufinansirati u okviru obilježavanja "Dječije nedjelje" u Kantonu Sarajevo za 2019. godinu u periodu od 07.10. do 13.10.2019. godine

I - Predmet javnog poziva

Predmet Javnog poziva je prikupljanje prijedloga manifestacija i aktivnosti koje će se finansirati /sufinansirati u okviru obilježavanja "Dječije nedjelje" u Kantonu Sarajevo za 2019. godinu u periodu od 07.10. do 13.10.2019. godine, u cilju podsticaja organizovanja i realizacije različitih kulturno-obrazovnih, sportskih, edukativnih, rekreativnih i drugih manifestacija i aktivnosti posvećenih djeci na području Kantona Sarajevo.

U okviru obilježavanja "Dječije nedjelje" u Kantonu Sarajevo u 2019. godini realizovati će se manifestacije i aktivnosti koje se odnose na promociju, edukaciju i unapređenje obrazovanja, inkluzivnog obrazovanja, vaspitanja i zdravlja djece, kulture i sporta, kao i unapređenje položaja i prava djece sa invaliditetom, unapređenje informisanosti djece i roditelja, edukaciju i zaštitu djece od zlostavljanja, zanemarivanja i zloupotrebe, zaštitu djece bez roditeljskog staranja, smanjenje nasilja među djecom i smanjenje siromaštva djece.

II - Pravo učešća

Na Javni poziv mogu se prijaviti: ustanove socijalne i dječije zaštite, ustanove predškolskog, osnovnog i srednjoškolskog odgoja i obrazovanja, obrazovne ustanove specijalnog tipa, zdravstvene ustanove, ustanove kulture i sporta, kao i udruženja i fondacije koje djeluju na području Kantona Sarajevo, te druga pravna lica čije su programske aktivnosti i djelatnost usmjerene na unapređenje zaštite porodice i djece (u daljem tekstu: aplikant), a koji su registrovani kod nadležnog organa i



nemaju neizmirenih poreskih obaveza, te prilože projekat uz propisanu dokumentaciju iz tačke IV ovog javnog poziva, na osnovu kojeg će se cijeliti ispunjenost uslova iz ove tačke.

III - Kriteriji za ocjenu predloženih projekata

Kriteriji za ocjenu predloženog projekta su:


- a) obuhvat djece i kvalitet predložene manifestacije i aktivnosti (obuhvat što većeg broja djece koja učestvuju ili za koje je namijenjena implementacija manifestacije i aktivnosti),
- b) usklađenost predloženih manifestacija i aktivnosti sa sadržajem "Dječije nedjelje" koji je propisan u tački I ovog javnog poziva,
- c) dužina trajanja manifestacija i aktivnosti,
- d) broj partnerskih organizacija na realizaciji manifestacija i aktivnosti,
- e) stručnost osoblja angažovanog u realizaciji manifestacija i aktivnosti,
- f) finansijski ili drugi vid učešća aplikantata (ljudski i tehnički resursi) u realizaciji manifestacija i aktivnosti,
- g) očekivani efekat realizacije manifestacija i aktivnosti,
- h) doprinos manifestacija i aktivnosti u ostvarenju namjene obilježavanja "Dječije nedjelje",
- i) promovisanje ponuđenih manifestacija i aktivnosti putem medija.

IV - Dokumentacija koju je potrebno dostaviti uz prijavu na Javni poziv

- a) obrazac broj 1. kojim se aplikant prijavljuje na Javni poziv u dva primjerka (potpisan i ovjeren - original),
- b) projekat za čije se finansiranje/sufinansiranje podnosi prijava, koji između ostalog treba da sadrži: ciljeve projekta, korisnike i stručno osoblje koje će realizirati projekat, značaj realizacije manifestacije i aktivnosti za korisnike, očekivane rezultate, mjesto i vrijeme realizacije manifestacije i aktivnosti, te detaljan finansijski plan odnosno budžet projekta (ovjeren i potpisan - original),
- c) rješenje o upisu u registar pravnih lica kod nadležnog organa (ovjereni fotokopija),
- d) izvod iz registra ne stariji od 6 (šest) mjeseci (original ili ovjereni fotokopija),
- e) identifikacioni broj poreznog obveznika (original ili ovjereni fotokopija),
- f) bilans stanja i bilans uspjeha za prethodnu godinu (original ili ovjereni fotokopija), osim za udruženja registrovana u tekućoj godini,
- g) izjava da za realizaciju apliciranog projekta nisu u cijelosti obezbijeđena sredstva sa jednog od nivoa vlasti ili drugih donatora, koja je potpisana i ovjereni kod općinskog organa uprave ili notara (original),
- h) uvjerenje o izmirenim poreskim obavezama po osnovu direktnih poreza, ne starije od 3 (tri) mjeseca (original ili ovjereni fotokopija).



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



V - Namjena utroška sredstava

Traženi iznos sredstva za realizaciju projekta/aktivnosti ne može biti veći od 2.000,00KM.

Pravo na korištenje sredstava sa pozicije "Dječija nedjelja" mogu ostvariti aplikanti čije su predložene aktivnosti u skladu sa sadržajem "Dječije nedjelje" koji je utvrđen u tački I - ovog javnog poziva.

Pravo na korištenje sredstava sa pozicije "Dječija nedjelja" ne mogu ostvariti aplikanti za aktivnosti:

- a) koje će se realizovati izvan Kantona Sarajevo,
- b) koje neće biti besplatne za građane Kantona Sarajevo,
- c) koje su započete prije zvaničnog datuma početka obilježavanja "Dječije nedjelje" 07.10.2019. godine ili će trajati duže od utvrđenog perioda obilježavanja "Dječije nedjelje" 13.10.2019. godine,
- d) koje podrazumijevaju iznajmljivanje ili kupovinu objekata (sportske dvorane i sl.) i opremu koja nije neophodna za realizaciju projektnih aktivnosti,
- e) za koje su već u potpunosti obezbijedena sredstva sa jednog od nivoa vlasti ili donatora.

VI - Javni poziv će biti objavljen na web stranici Ministarstva www.mrsri.ks.gov.ba i prijave na isti mogu se podnositi najkasnije do 09.08.2019. godine.

Obrazac za prijavu se može preuzeti na web stranici Ministarstva i u Pisarni Kantona Sarajevo.

VII - Za provođenje Javnog poziva i realizaciju cjelokupnog postupka i dodjele sredstava ministar će rješenjem imenovati Komisiju koja će ocijeniti opravdanost prijave i kvalitet predloženih manifestacija i aktivnosti, izvršiti bodovanje i procjenu, radi donošenja odluke o dodjeli sredstava aplikantima.


VIII - Rok za podnošenje prijave za dodjelu sredstava po Javnom pozivu je 8 (osam) dana od dana objave istog na web stranici Ministarstva www.mrsri.ks.gov.ba.

IX - Prijave za dodjelu sredstava se podnose u zatvorenoj koverti na protokol Kantona Sarajevo ili poštom na adresu Ministarstva, sa naznakom "Prijava na Javni poziv za prikupljanje prijedloga manifestacija i aktivnosti koje će se finansirati/sufinansirati u okviru obilježavanja "Dječije nedjelje" u Kantonu Sarajevo za 2019. godinu – ne otvaraj".


X - Neblagovremene prijave Komisija neće uzeti u razmatranje i vratiti će ih neotvorene uz dopis.

Prijave koje ne sadrže propisanu dokumentaciju, odnosno nepotpune prijave, Komisija će odlukom odbaciti.

XI - Sredstva odobrena po Javnom pozivu moraju se iskoristiti za realizaciju kandidovanih projekata/aktivnosti, pri čemu se korisnik sredstava mora pridržavati važećih propisa.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



XII - Doznačavanje odobrenih sredstava aplikantima vrši se nakon donošenja odluke u skladu sa operativnim planom i raspoloživim sredstvima u Budžetu Kantona Sarajevo.

Broj: 13-02/1-05-29264-1/19
Sarajevo, 01.08.2019. godine



MINISTAR
[REDACTED]
Malik Garibija
[REDACTED]



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
• System/process effectiveness
ID 15 100 63666
www.tuv.com